

尊
水
園
集
畧

尊水園集

陳鍾英幼仲

德州盧世澶德水著 受教程先貞正夫輯

趙其星仲啓

五言律詩

謁孟廟

接得敬仲新詩

云

云

癸亥歲余訪敬仲

云

云

報恩寺雨中招友人小酌

月夜携客登雨花臺

同廖傳生病酒

飲李周生昆仲玉華堂

贈凌見龍

過上艾贈延紫筠

夕次井陘

宿趙州留行館月下獨酌

鳴謙驛薄暮小酌

云云

胥鈔役竣祭告少陵

寄題劉敬仲先生古歡室

賦得獨坐悲雙鬢

新年試筆

雜詩

夜坐懷侯老師

偕程魯瞻尊水園看暮雪

贈舊叅軍程公車

涼風

劉同人于司直偕往杜亭

云

云

陳石泓先生經過安德

云

久不得簡翁書甚念之

同社顧寄菴偕李彥威

云

盧子年運而往矣

云

二首

再次九青元韻

云

二首

介清先生詩中流鑿手也

云

云

和李臨淮

次韻

都兵垣姚先生

云

云

二首

除夕得茗柯書

云

云

快雪時晴清晨行野

嚮日讀杜詩

云 十首

上巳修禊正夫首唱

云

夜坐看菊花影

雪航吳侍御見過荒園賦詩

云 二首

雪航載歌余載和

二首

海門携臣允山

云

尊水園集畧卷之二

五言律詩

謁孟廟

孟里何年記英靈或在斯宮墻臨大道戶牖闕威
儀嶂黛纏楸杪龍精化栢枝低回留不去遶壁閱
題詩

接得敬仲新詩讀之賦五言四十字時雪後
漏下一鼓

快雪明燈夜觀君七字詩蒼森驚杜甫清潤醉王

維接武何容易論文幸在茲平生甘苦處不許外人知

癸亥歲余訪敬仲於滢上盤桓者累月一時
曲梁諸友與敬仲厚善者咸以敬仲故暱就
余及行之日復携榼送於東橋郭定之園中
爾時送者為于達敬仲勉庸宗維澤延併定
之而六又有畸人焉曰李慆蓋汙泥蓮花饒
文心而負俠骨雪鬢黃冠避世無悶者也別
來遂五易星霜諸君子或出或處或泣或歌

俯仰間而感慨係之彼疇人者竟作古人矣
即余隨行二僕夫一去一死人生實難歲不
我與可奈何

曲梁分手日送我郭家園紅葉飄長陌青衫上短

轅余爾時正困公車
去來特乘一巾輦年來人易老事往夢留痕天

末涼風動高歌代晤言

報恩寺雨中招友人小酌

開尊無世務小坐亦能酣濁酒延清士空心領妙
談涼煙沉磬響積雨發鐘嵐觴政通禪理因逢智

者參

月夜携客登雨花臺

古臺叢夕靄坐久月華滋
遠客宜求友清談或到
詩江帆淪極浦塔影泛空危
黃菊霜痕重憑高有所思

同廖傳生病酒

次韻

長干明月夜深酌為論文乳
倒千鍾雪腴傾一甕
雲墳荒新主客賢聖
猶知聞病酒何容易
吾儕亦

學蘇

飲李周生昆仲上華堂

過逢文酒會好月倍親人堂碧開群玉燭紅出串
珍時有清歌娛客時喧時寐冥或懶或精神歸路聽雞唱

高煙樹杪屯

贈凌見龍

俠骨生來夔中年遂隱淪五遊窮禹跡一笑出風
塵鬪枝無修道談諧却認真交知誰似爾落落不
煩人

過上艾贈延紫筠

延子西方美門多長者車能為從事酒好讀古人
書結社工揮麈開池學種魚齋頭留片餉蘭氣襲
衣裾

夕次井陘

城勢如箕舌臨流復倚岑煙繁生夕氣月皎動孤
吟古水甘淘淺春山抱犢深逢人談往事猶自說
淮陰

宿趙州留行館月下獨酌

寂寂留行館長松間古槐庭窻惟鳥雀屋老遍蓬

啓明月何年有清罇此夕開坐深林影亂疑道是
雲來

鳴謙驛薄暮小酌因簡點數日來鄙句偶然
賦此

客路春相伴青青日暮時一罇山驛酒數首在輿
詩好景誠難狀奇懷亦自私古人如可作陶謝是
吾師

胥鈔役竣祭告少陵

鈔杜為新本謄鐫苦未精十年曾有紉三歲始能

成尚覺留遺憾還期畢此生焚香重下拜一片古今情

寄題敬仲先生古歡室

考室為遙集嘉名錫古歡竹君相晤對石丈共盤桓
俎豆鴻濛氣圖書嬉笑看羨君能自得卿貳亦閒官

賦得獨坐悲雙鬢

一榻淒然處蕭條兩鬢風對花彌覺老

時海棠盛開

未

父已成翁

余年四十六

磨滅無餘想平生似夢中可憐

身世淺詩卷慰途窮

新年試筆

獻歲園居好閒中意覺真殘梅隨雪淨情鴈觸雲
新閉戶還多事開函憶故人小窓燈火動亦自有
餘春

雜詩

殺人參也魯君子表其微玩世何容易同群有是
非藤牽需乃賊刃决遜斯肥庭靜朋從絕悠然踵
發機

夜坐懷侯老師

燈影沈沈照鬱陶，思不禁別離。
七載夢師弟百年心，川上魚牋渺。
山中桂樹深，梁園春雪好。遙憶短長吟。

偕程魯瞻尊水園看暮雪

小園聊騁望，雪影向人深。
冬闕春能補，時已二月
前此一冬

無雪朝飛夕不禁，同心來二仲。
高興對空林，燈酒分曹進。
何愁暝色侵。

贈舊叅軍程公車

兩鬢吳霜滿空餘一寸心貧來猶好客老去獨工吟
有策憑誰畫無絃到處琴罷官成昨夢樽酒試
徐斟

涼風

涼風西北起吹老一天秋八戶聲聲凜出門色色
幽鴈行時戴道雲影暫依樓仍舊垂楊樹蕭條是
處愁

劉同人于司直借過杜亭即用杜亭韻賦詩
相貺余技窮不能再和乃顛倒原韻縮七為

五聊發一笑云爾

好客雙雙至披襟訪杜亭携來燕楚氣

司直燕人
同人楚人

足下岱宗青乍見占符采深談識典刑從來親道
侶寐寔寸心惺

陳石泓先生經過安德招晤舟中贈詩留別

次韻奉送

相思允幾春今始識仁人談笑靡非道文章固有
神河干陪杖屨清水正漣淪高揖開船別襟期改
樣新

久不得簡翁書甚念之

飽飯無餘想中懷只鮮飲故人安穩未遠道尺書
難何日重携手明燈語夜闌小齋饒卷軸拂拭待
君看

同社顧寄菴偕李彥威瞿古遺及其猶子聖
宗訪我園居談飲竟日於是與寄菴別十年
矣舊好新知晤言一室時方快雪晴色如油
既結清娛遂成麗句次寄菴韻

十載重逢日開懷話夙心文章閑性命山水喻高

深小醉陶家酒閑彈昭氏琴非君能領畧何處覓
清音

兩兩三三五友襟同肩亦差雅人偏耐俗高士又能
詩荒徑緣誰掃清樽為爾遲真成良宴會記取雪
晴時

盧子年運而往矣既免喪補官禮部同門友
宋九青先生飲我酒而贈之以詩三復來貺
欲罷不能依韻奉酬愧非匹敵

強起陪簪笏斯身斃悴餘一杯收涕酒數卷散懷

書年老才情減官閑意味踈來詩關痛痒前輩果
誰如

同門同調友相會在茲時久別渾如夢論文更不
疑眷言惟續古努力共修辭若問窮通理樵歌牧
唱知

再次九青元韻以志傾倒併寫懷抱

歎服君詩好風流曠代餘兩篇千種韻一字五車
書大旨歸於厚微言妙在踈相求惟宋玉姑舍馬
相如

五十卽濟好逍遙此一時中懷誠自喻天命復奚
疑有友開文苑欣聞絕妙辭倡酬無限意疑報古
人知

介清先生詩中疏鑿手也招予晤語慨想黃
虞託寄五絃憑凌三百蓋穆然有拜颺賡歌
之思焉詩成示予予為之咨嗟而歎竒絕謹
依元韻謬附微吟

詩道鄉雲爛有人緩步尋明良聲即政比與古猶
今折東辭几近含毫見靜深冷冷如振玉句裏素

虞琴

和李臨淮次韻

客至開懷抱聲同影亦雙
徵文書倒篋索醉酒盈
缸衰鬢何辭醜空心不待降
聽歌還發興高咏答
新腔

都兵垣姚先生言事去國王介老緣風人之
旨以作歌世灌謬辱同薰倚歌而和

漢道方全盛遑遑策治安
忠信明主易敷奏小臣
難薄謫知恩重孤踪入夢寒
遙思官定後書籍盡

情看

兵計關青瑣臣心未敢安一封期得當百折豈辭
難天遠浮雲暮風斜雨雪寒驅車從此去有鏡莫
頻看

除夕得茗柯書併詩次韻奉答

有序

余與茗柯一別五年今冬茗柯膺大理新命
北上道經安德訪余隱居數盃而別分手眷
眷殊不能為情會茗柯書至一通彼我之懷
復贈以詩深肥蕭簡陳白沙有言自然成五

字非謝亦非陶若端為茗柯設焚香弄翰欲
罷不能依韻和之以當良覲訪得書之日視
向日作別時近三月矣

朋好如君少相尋善氣迎乍逢憐久別淺酌話深
情歲去天將暮書來月再盈更拈詩句諷百感自
中生

快雪時晴清晨行野

宿靄朝方斂浮空一片青林光能悅鳥草色欲迷
蜓次第尋幽圃夤緣到遠垌自然成野趣薄醉間

初醒

讀杜微吟

嚮日讀杜詩有大凡有餘論總名曰私言言不足公之于人也頃重閱杜集畧一拈掇得五言律十首即取材于本集而無煩旁借然特竹頭木屑耳至杜之真消息大關紐一字不敢涉入較之大凡餘論蓋微乎微矣因思祠杜十有五載每歲時莫享必虔必潔今年元日遂缺一奠茲寒食將近身備清淨僕夫

何氏山林好重遊興未闌平明尋杜濟乘雨過蘇
端崔李無新態阮朱作古歡慙勤憐魏八兒女媚
盤餐

勝絕東樓會清宵晏在莊茶瓜齊已屋圖畫贊公
房司馬携錢取倉曹饋醬嘗古溝名丈八妓舫納
浮涼

布襪青鞋淨恣遊遠近村讀書花嶼麗燒藥竹齋
温杜曲神恒往仇池意每存但能成小菜隨處武

陵源

纔得東柯谷西枝又有村醉眸收錦里老脚放夔
門所至營茅宇臨行贈果園江天雲霧裏寂寞少
微尊

立秋題句美解組亦由人稟性耽成癖原情懶是
真天邊身既老峽裏物仍新工部虛銜耳拾遺本
舊臣

把臂逢高李酒酣登吹臺岱宗青未了函谷紫還
來雲木朝光集金銀夜氣開後園山脚近屢上亦

悠哉

結束遊山寺聞鐘發省深慈恩高塔唱歷下古亭
吟萬丈潭澄目千秋雪洗心躊躇無限事一一寄
登臨

薛華長句好孟子善論文樗散處三絕蕭疎顧八
分大娘渾脫舞稚子怪穿裙斫地王郎俊惱人郝
使君

追酬常侍作憐友望南雲鄭重張顛字推崇庾信
文情親袁司業年老惜將軍最是難堪處行經大

尉墳

文章驚海內萬卷破來新
即事非今古高歌有鬼神
李蘇師友密陶謝弟兄親
乃祖無遺恨慈孫是替人

上已修禊正夫首唱仲啓和之余亦和之

芳辰聯好友緩步當輕車
酒盞隨心飲詩篇得意

書人方彭澤少

正夫年四
十即挂冠

景類永和餘多謝三閭

氏呻吟賦卜居

夜坐看菊花影

古壁生虛白，離離菊有神。
黃華迷故徑，玄照出分身。
掩映偏饒致，寂寥更逼真。
夜深群動寂，爾我默相親。

雪航吳侍御見過荒園賦詩相贈因次韻奉
答

新詩含古意，格韻自然高。
綠雪飛瓊嶂，紅霞照翠
濤。誰能雄繡斧，而肯暱蓬蒿。
個儻仍高妙，元龍不敢豪。

稱量天下士，屈指首推君。
莫憶三江水，

雪航詩云
愛說滄州

看典四岳雲空
心籠世務老手濟人
群數日追
隨盡離襟黯欲分

雪航載歌余載和

雍容傾滿坐懷坦
道彌高授簡流文
霽拂箋沈墨

濤多年關設枳此

日選披蒿

余時常掩關
今始灑掃

愛爾行

厨雅

雪航携具過余
真淨簡美絕去
齋釘

清談正自豪

寸心千古處自揣
不如君家世推吳
質聲名邁陸
雲青鸞兀出類
赤兔自超群
世味淄渑雜
明明待

弟分

海門携臣允山漁過新構茅齋款七夕余設
空酒一杯從容坐飲油如也已海門山漁俱
賦長句甚麗而穩余歎賞不足詩以見情

使君能領客二妙喜相陪小築三時就高軒七夕
來清談兼雅譎偶坐遂深杯即席成妍唱欣瞻絕
世才

粵水園集

陳鍾英幼仲

德州盧世澹德水著 受教程先貞正夫輯

趙其星仲啓

七言律詩

遊嶧山

渡江中流望江南北諸山殘雪

忻州過牧馬河

行山坂間俯視山下煙村不減圖畫

古薄命

遊仙

立秋日作

壽叔祖二田長者

贈陸蘭陵

座主木菴先生詩來相憶依韻獻酬

教仲以詩画見寄賦答次韻

家兄召賞海棠

毛修之年兄久困公車

云

五

積巴山雪史春絮單却寄

春夜過子襄

云云

哭王湛一

劉仲寬才具翩翩

云云

出都留別孫陳兩太史

張鄭兩生

云云

答馮醫仙

次韻

寄鄭元常明府華亭

寄贈張用之

答程湯臣兼寄胡嗣玄文學

致真唐客

送劉二往雲中

寄題畢畏甫拱玉園

閉關以後作 三十首

營杜亭成述懷

四愁詩 四首有序

春晚率題

偶然有會成七言律詩一首

夜坐懷簡翁劉先生

云云

簡翁書到

臘日得簡翁書

云云

江山人能琴能書

云云

應元肱起部和杜亭韻

云云

沈景倩

云云

陳百史訪杜亭贈詩余次韻

門人鄭爾木結夏杜亭讀書

云云

答汪孺石冰部

次韻

明月之夕吳于逵

云

于逵偕時行再過尊水園

云

懷隆昆仲聞于逵時行將別

云

云

云

雜律

有引

余以自用酒盃

云

云

周彛仲過訪

云

云

次韻奉荅陳雪灘太史

二首

贈同年友萬吉人

張爾喙

云

云

史弱翁納燕姬云

再敬

次介清韻送楊太史請告還濟上

余以沉舟之役云一首

私問

正夫見私問云

歸來題画扇齋壁有序

退士詩次仲來韻

社中分韻賦得首夏猶清和

花朝社集

次韻

次社集韻呈仲來父子

奉寄虞山先生

二首

次韻送熊雪堂

云

云

偶聞正夫出月北上

云

云

久病沾危

云

云

夢遊仙

有序

夢遊仙說辭也

云

云

正夫出新作

云

云

再奉正夫韻

云

九、集正夫齋次其韻

正夫以除夕詩見次韻奉教

正夫再和前韻

云

正夫招賞牡丹有序

送張九如還燕

先是王敬哉

云

北幹許春日過訪

云

讀陶謝集有述

過金穎濱古香齋題贈

奉贈趙洞門

小詩奉投趙洞門賡次原韻用志仰止

贈太守楊君敬

秋日偶成長句

二首

秋日朱計部招飲次正夫韻

尊水園集

七言律詩

遊嶧山

還觀鄒嶧賞偏驚
草草登臨未易評
東去只邀勞作友
西來惟許岱稱兄
天公石戲拋碁壘
山客雲眠起墨城
千古始皇能具眼
此中物色甚分明

渡江中流望江南北諸山殘雪

巔崖雪老尚堪餐
江北江南迸入觀
湊得淡梅粧艇子
移來空絮狎漁竿
千林宿靄蒼兼白
萬瓦初

融濕較乾倚權中流迎送久遙涪極浦更漫漫

忻州過牧馬河

城南古渡入滹沱說是雲州牧馬河嵐水聲中白

浪小舟山影裏翠紋多田家卒歲為恒產

此水疏為廿餘

渠土人甚獲灌溉之利

客路經春此暫過西望清流懷志士

程嬰祠墓半銷磨

行山坂間俯視山下煙村不減圖畫

樹色蒼蒼曲抱村沙溪猶帶歷年痕始知谷裏人家靜不似行間道路渾
斷圍寒煙盤枸杞竦籬危

散難豚秦時花氣陶家柳安得褰裳一訊源

古薄命

倚竹私憐瑟瑟粧古來薄命是蕭娘雕奩賸蓄共
容粉白學空薰豆蔻香蕩子靡家原有婦伊人處
室乃無郎那堪翠袖涼風入鬢影吹秋滿畫堂

遊仙

閒遊約定在清虛挹袂拍肩結伴餘白石尋來為
餅餌青霞剪就作襟裾虎鞞囊襲龍精劍魚網箋
留鳥跡書聞說洪崖家具好空山昨日又移居

立秋日作

自判微生做四休尚餘莊列在床頭酒寧千日思
前輩書早十年歎末流拙射何緣爭破的學操正
好泛虛舟老之將至情懷減不賦悲哉九辨秋

壽叔祖三田長者

雪淨聰明鬢久華安期海上棗如瓜摩銅嘯樹功
名淡種玉開雲事業賒喜向燈前書小字閒從針
裏試新茶而今七十行方健矯首長天玩紫霞

贈陸蘭陵

隔年相見勸加餐
遠道懷歸去住難
性定無撓渾似鐵
行芳有韻又如蘭
罇中身世憑誰問
鏡裏生涯只自看
我醉為君歌一曲
花枝五月不勝寒

座主木菴先生詩來相憶依韻獻酬

衡門反鎖淡於山
千里傳詩到息關
敦厚轉深鷄鴉怨
踈庸差對薜蘿閒
冰心落落時能白
秋氣離離日欲斑
一自違師安寂寞
頻窺明鏡淨顏顏

敬仲以詩画見寄贈答

次韻

之子年來息又深
公餘幾度醉花陰
獨乘正氣遊

玄牝偶託閒情寄藝林馴鶴堦前能喜客送鴻天際正揮琴高齋紗帽悠然處多妙方知靜者心

家兄召賞海棠

海棠花下遠聞鶯喜笑相看屬弟兄過此三朝為上已前乎五日是清明紅霞映樹粧初洗綠雪盈罇酒自傾指顧時和春好在漁陽斥堠二休兵

毛修之年兄久困公車苦家間人事參雜乃乞一毡為讀書地居都數相過從甚樂也會余先出門修之以詩相送詩品在常邨而

寄託更自不淺賦此言謝併以訂懷次韻
肝腸真句謝雕搜此度觀詩發古愁每許生平推
長者豈當吾世失諸侯千秋大業何妨晚百煉剛
心正要柔暫借一官思學易知君原不為身謀

讀巴山雪史春絮草却寄

閨秀絕倫家上京魂飛蜀道怯盈盈秋懷不淺芳
難駐春事無多絮易驚剛道人亡能損性果然文
罷又生情平羗古水添雙淚莫放花梢杜宇鳴
春夜過子襄飲坐中人酒俱佳越數日子襄

以詩來詩更佳開筵披吟又是一醉倚歌而
和情見乎辭

風流平子動高吟扇底雲生覆屋陰酒會難逢前
日客詩成又見爾時心紆迴遼左烽恒峻斟酌長
安月暫深頭白一官真懶道匏瓜苦李任浮沉

哭王湛一

冰雪肝腸松栢心誰期國寶忽摧沉有朋特下殷
遙淚掛壁仍餘子敬琴半載青衫千卷破十年白
屋一燈深美人逝矣真堪惜天問招魂怨不禁

劉仲寬才具翩翩謁選得繩州一幕過平原
訪我言別又欲遊鄒嶧問道崆峒稍一弛鞅
建業計之官之期當在明年二三月間歌以
相送光其行李

年少叅軍事遠征因君重典唱劉生浮雲不競多
離色朗月頻圓有至情久客已諳都下語長才應
紀蜀中行來年櫻筍春深日桃葉開舡錦水迎
出都留別孫陳兩太史

薄寒長夏勒花枝宦况悠悠自笑癡四海襟期惟

道在一生心事賴君知金聲久許興公賦玉壘新
傳正字詩珍重故人相砥礪臨分抗手不言私

張鄭兩生自博陵來問業喜而賦贈更與小
留

好客欣瞻二妙來經年懷抱待今開口無長語惟
真氣身不勝衣乃大才路遠風塵勞負笈天寒燈
火共啣杯論文正有商量在門外驪駒且漫催

答馮奮仙

次韻

佳文久仰似丘遲送抱推襟又一時所歎潛文章

有棄徒欽才子逞相思百年接踵猶堪賞四海比
隣焉用悲從此閒居添酒興開懷時展扇頭詩

寄鄭元常明府華亭

為政風流羨子真一堂秋氣四郊春讀書破夜彈
琴懶據案凌朝問鶴頻白石青霞應獨我玄珠赤
水得同人時經二陸祠前過好作新詩答照隣

寄贈張用之

數器身兼靜復虛近來海內似君稀含毫妙會僧
繇意滌墨偏工長史書酒戶雖低能刻鷓名場漸

老不歌魚清，真蕭洒。風塵外坐，斷膠東水竹居。

答程湯臣無寄胡嗣一文學

故人遠贈渡江魚，珍重加餐問訊余。
疇昔青溪曾鼓柁，只今白社已懸車。
最欽高義雲能薄，更羨新詩錦不如。
傳語胡公秋賦近，題名好寄八行書。

致真唐客

共誰耳熱唱嗚嗚，寂寞燕山賣酒壚。
送我猶能長夜飲，別來何遽古為徒。
千場雪乳揮金椀，一片冰心在玉壺。
酬汝三盃仍舊醉，頽唐是處倩人扶。

送劉二往雲中

鳴鳩乳燕共翻飛
榛子常園趣正肥
躍馬於今遊紫塞
娛人自昔是清暉
看花野戍添詩卷
沽酒郵亭換紵衣
一話一言俱有意
眼中難得似君微

寄題畢畏甫拱玉園

長白山中小有天
開園考室任盤旋
才人自撰郊居賦
好友群賡伐木篇
精選雲根排玉筍
閒登月榭拾金荃
側身東望頻搔首
聞說規模類輞川

閉關以後作

佯狂不欲做，墻東多事昌黎枉。送窮茅屋三間疑，
傳舍竹籬一帶當。樊籠經冬殘雪春猶在，泱月新
雲日不同。莫說閉門無外事，灑杯詩卷未曾空。
荒園把菊佐朝饔，煉得規模似老農。精細不能如
世法，大凡未始出吾宗。腰鑣且刈秋天韭，抱甕還
澆夏日松。千古淳漓常在眼，勞勞魯叟費彌縫。
瀾翻智海與才江，百鎰黃金白壁雙。彼自有人馳
炙轂，吾寧作我對空。憲鬢都是雪，那堪拔心已成
灰。不用降倚醉，獻鐫歌一曲。參差粗硬太無腔。

閑居昧昧我思之。往歲南都驅傳時。同籍同鄉修
故事。好山好水訂遊期。坐無醒者方成醉。人有同
心正賦詩。更憶金壇風雨夜。衣冠函丈拜吾師。
漫道便便戰勝肥。癡頑錯認作忘機。皮冠武仲無
辭讓。緘口磨兜有是非。自諗才踈併命薄。敢嗟身
事與心違。空庭徙倚天將暮。花影闌干戀落暉。

齋中靜讀古時書。歛衽披襟足起余。知己文憑曾
植定。驕人色藉董梧鋤。季鷹落落三江水。犢鼻沾
沾駟馬車。窮達終須歸有命。十年紛擾費居諸。

直從三紀念黃虞今日方知元亮迂
樗散何妨官長罵黃緣且入步兵厨
生成東海直僖父忽憶燕山舊酒徒
吻燥呼茶中夜起滿塔松影月明孤

十年兩度到山西不盡蒼茫落日低
狼孟至今猶

說鐸鴈門懷古正聞聲在輿詩淺羞重讀

曩往返得詩數

十首刻之名在輿草

容舍醪醑惜遠携

山石酒可飲曾科其尤者携十餘器而歸

每憶淳沱忻口渡煙沙寥廓使人迷

新營布襪與青鞵敢告林丘自此諧
魚石憑陵牽

酒舫鹿床絕妙讀書齋一園五岳心常遠
萬卷百

城手自排愛惜蓬蒿供晚具深深鼓吹動鳴哇
心朽渾如既瀘灰尤憐未老鬢先頹何人躍馬羸
糧去有客單衾夢蝶回新藥成丸都不裹舊書堆
案只慵開誠然行止皆無地日暮聊傾酒一杯
俠客恩讐苦認真神仙縹緲亦無因黃公沒後爲
頑石張祿先生是死人隱矣何須文會友孑然不
信德成隣大方自昔猖狂甚衫履參差倒着巾
一罇誰與細論文寒綠相看有此君解道酒中堪
累月始知身外即浮雲古人一去留圖譜今我重

來抗典墳清坐妙香縈鼻觀無邊空水正氤氳
龍湖老子一儒髡卓犖觀書有淚痕淡面難供浮
世眼微腸招得古人魂唯阿誰解遵王制呵罵偏
能報佛恩沁水通州知己在先生心事正堪論

清溪白石戀漁竿沅有芷兮澧有蘭月早何須愁
日晚花酣不復畏春寒快書偶獲如逢友名酒新
開勝得官溲倒人唾無藉在全憑此際覓餘歡

昨歲初秋已閉關今年始覺起居閑心無內喘如
墻壁境有旁喧付闌闌適已白儵遊淺水避人玄

豹坐深山桃花源在坳堂下何待淮南桂樹攀
此生自斷不繇天贏得狂歌與醉眠蘇季貧來無
二頃盧敖化去已千年慵叅古佛中邊語高閣蒙
莊內外篇曾上岱宗窺日觀茫茫塵海浩如煙
窈窕聲來暗度蕭高花悠颺帶絲飄盈盈春色三
分減裊裊鶯歌一培饒松際雲來如雨潤竹間風
起不塵囂超然燕處無餘念疑在深山作老樵
鑄就渾淪沒孔匏儘饒利齒詎能嘲江湖仙權欣
陶峴冰雪詩篇凜孟郊處已惟防仍搏虎逢人那

好畫稱猶加年學易無多力且玩潛龍下九爻
常懷息影在方袍鴻鵠翩翩故自豪雖作齊民修
要術猶能痛飲讀離騷援而止者何妨柳歸去來
今最愛陶半世微纒尊隸役忽然一笑解天弢
古水依痕不泛波閉門獨笑屢婆婆非關老去交
情減自是新來友態多難與人言惟說鬼尙嫌佛
累况親魔遺形天壤無拘束風雨詩成側弁哦
曾從南客問煎茶畢竟齊僖未到家百事因循已
蒜髮三春爛熳又桃花苦無長策留紅雨拚取深

杯勸紫霞指點劉伶墳上土關情一倍惜年華
爾客窈菴學坐忘不知堦下已浮芳衣冠老去羞
奇服物色春來發舊光頗怪神寒因命酒極知形
穢故薰香莊生天籟無餘論暮四朝三只兩行
盡人扶侍孔方兄君子原來無所爭簪笏蠻蝸判
勝負碁殿劉項決輸贏一官枉費三千牘片石空
邀十五城休去始知都是妄禪心道眼自分明
空堦草色醉蜻蜓杜五郎家戶畫扇至性繇來能
澹遠深居不是愛沉冥布袍草屨人間世妻惠兒

淳物外齡更喜先生功課好閒觀周易淨名經
蠹卷鳴夷丙夜燈自憐投老漸如僧病軀宜蓄三
年火虛室常懸萬壑冰跌宕能持斗柄依違不
會摸床稜蕭然鳥雀遊庭際何處人間有薜烝
蒲萄斷不換涼州醉自成鄉我亦侯何必長繩癡
繫日祇須闕地便埋憂拋書隱几徐于卧秉燭看
花汗漫遊冰炭如山都化盡笑他皮裏貯陽秋
雪刺霜毛苦見侵匆匆孤負一生心維愛用老書
還讀破淨為歡酒自斟暮雨空堂頻數漏秋風速

道獨聞磻不知何事低回久鎖口無言只似瘖
薄俗人情已飽諳悔將心事泣魚泔小忠線索徒
能詐大黠機鋒又在慙共說萬非千得伍誰知二
與一為三麻姑狡獪真年少此意還尋智者叅

福性生成欠潤恬循墻偃僕輕謙何為髮短腸
猶勁不但人嗔自亦嫌行逕可憐淪曠莽規模猶
幸脫蕪織草堂無客來留醉珍重盤中一味鹽

剝芋織成沽酒衫麥林隱士署新銜芳春別業森
平仲清晝空亭撥阮咸香雨光風通夢寐仁山智

水隔塵凡心休是物皆冲雋世味紛紛辣與鹹

營杜亭成述懷

年來謝客戶常扃特向空園起杜亭闢地誅茅安
簡朴寫真設座表儀刑吾衰還作千秋夢世遠惟
憑一念惺子美五郎俱在此堦前竹栢鬱青青

四愁詩

有序

天寒夜靜雪屋深明展轉不能寐爰為長句
以遣之拈韻得十一尤偶成四首見每首有
一愁字遂名四愁詩歷落嶽崎不中倫慮且

取暢本懷而止別無寄託異乎平子之所謂
四愁

端居遠夢忽成愁三復停雲念舊遊
桂樹山中曾折簡仙人河上亦同舟
明明懷抱空天月落落生涯古水秋
說向良朋應駭絕年來白到九分頭

屏營何計慰沉浮妙理相關有酒旣
太史裁書稱馬走疇人垂釣着羊裘
蕭條古趣憑誰會淡悶子懷可自繇
賴得區區陶寫在正當愁處不曾愁

悲哉九辯欲何求宋玉年來亦倦秋
楚調怨詩呈

東水園集卷三
主簿齊諧志怪謝諸侯將書抵塞三間屋用酒銷
融萬古愁偶涉荒園看木葉紆青石氣半空浮
漫向庖丁問解牛世情元愛棘端猴藏舟失去惟
山壑浙米炊來雜劔矛求死頗聞高士苦治生實
對富兒羞一編樂府銷長夜顧影頽然唱莫愁

春晚率題

白頭意氣耻稱豪偏喜傍人笑老饕幾處琴尊迎
杖屨一番風雨過櫻桃空憐春杪迷鴻影預想秋
深剝蟬螿年事上身惟有醉貪杯不復讀離騷

偶然有會成七言律詩一首

寂寞琴心海水移，懶從昭氏問成虧。
人庸無趣思狂士，病怪難痊就大醫。
薜荔初裁乘赤豹，茆茨晚賦贈朱椎。
非仙非鬼仍非我，萬籟無端一任吹。

夜坐懷簡翁劉先生兼懷石翁陳先生

相思無夢更難勝，踽踽涼涼念友朋。
兩地暮雲懸赤牘，一天春雪動青燈。
把詩過日君真好，對酒當歌我最能。
尤有心知還未面，羨人家在古西陵。

簡翁書到

予書纔去汝書來共是春分一日裁扇上詩篇堪
細諷就中情事更低回論文到老真無益念亂方
新絕可哀滿眼牡丹都謝淨滔滔孟夏又恢台

臘日得簡翁書書中勸余節酒意甚肫藹是
夜即入夢談詩頗暢閒中賦此俟有便寄之
梅花消息動微芬天遠佳人問碧雲千里傳書惟
戒酒三更作夢亦論文蒼茫急景憐駒隙迢遞微
棕託鴈群彼此俱含無盡意臨風不獨我殷勤
江山人能琴能書人又有致別久矣偶然相

訪一宿而行詩以送之

十年懷抱託魚鴻忽漫相逢一笑通老去風流猶未減別來日課不曾空七絃舉世稱君好八法何人似爾工有酒盈樽須盡醉明朝馬首又云東

應元肱起部和杜亭韻至再行抵河間復和見寄余次韻奉答

遠道傳詩夜度扁幽光迴合蕩空亭精神落落看前輩輕薄紛紛服上刑不着酸鹹非是淡能關痛痒自然惺空心老手如君少收盡全齊未了青

元肱

沈景倩卜戩甫落進士舉過杜亭留別用韻
賦詩余倚和奉送先是景倩和杜亭韻已八
九首矣

柴關為爾亦難扃
載酒相將折柳亭
聲氣友生元自合
文章造物不能刑
高懷肯下英雄淚
道氣偏從密路惺
此去加食無用勸
遙山淺水一齊青

陳百史訪杜亭贈詩余次韻

紛紅湛綠遍川原
老我端居獨寤言
小築茅茨思

閱史新裁桐竹未生孫何人命駕能相訪有客高
情忽到門干木筍厨誠簡畧移時堅坐意彌溫

門人鄭爾木結夏杜亭讀書甚篤間作詩歌
其聲嗚嗚然余覽而悲之脫手賦贈

相伴孤雲寂寞遊辛勤只為讀書憂欲開懷抱觀
今古又苦身家費講求烈士無錢如敗子饑人得
飽即封侯知君俯仰無聊甚怪得詩成字字秋

荅汪孺石水部

次韻

麗句傳來吹素光徐行把玩屢翔祥深藏美玉渾

忘價久佩幽蘭懶說芳人到真時今亦古語關妙
處畧猶詳鯉魚風起通書問一水盈盈是兩鄉

明月之夕吳于達莊尚之秦廣平程時行諸
詞人集杜亭清醉忽張中翰懷隆茂材述隆
從甘陵來携兩歌者徑入雜坐不知何者是
客絲竹相綸遂窮五夜坐中歡甚於是尚之
首賦琵琶行以紀其事余才短不能倚和聊
成七言近體一章就正尚之併為于達諸君
子執爨云爾

琵琶繚繞月明孤爛醉高陽興酒徒客主忘懷殊
蕩漾風流善價不枝梧歌傳子夜癡偏媚賦就閑
情雅且都從此空亭留古艷花間好鳥問提壺

于遠借時行再過尊水園留別于遠賦詩余
次韻奉送時秋將盡矣

行行重與唱行行送別難分只似迎昏旦流連談
往事風霜刻露見交情數篇自課還驢背一路相
將是鴈聲君到高堂兒女樂團圍燈火夜深明

懷隆昆仲聞于遠時行將別邀至甘陵徵歌

作古歡余遙同餞局再次前韻

青蓮漫賦客中行有酒如山折簡迎豪士扶風元
任俠隹人行雨正閑情尊前柳黛侵離色笛裏梅
花憶落聲老我園居難與會翻嫌詩句太分明

雜律

有引

偶閱古樂府興之所至輒槩括為七言律一
章不倫不理無着無落故命曰雜又搗碎古
辭差排近體何異取山歌雜詩或為祠服窳
穉詎止天吳紫鳳顏何足為文士之

罪也夫是則余之罪也

腸中展轉只盤車郭北城南死餘泥濁水深歌
獨澆過河啣索泣枯魚瓜田納履防君子道遠沉
綿讀素書卓女白頭吟最毒錢刀銅臭罵相如

余以自用酒盃為水部汪孺石先生壽孺石
以長句見貽情詞俱懋謹次來韻再候興居
知己原從世外盟和平神聽鳥鳴嚶傳來柔翰盈
魚腹夢去高人在水衡久置酒盃如土暗乍經詩
品遂珠瑩長歌既醉思君子相笑何煩此一觥

周彞仲過訪携有韓求仲先生及沈景倩先
輩書各用杜亭原韻惠詩二章因賦鄙句志
感即託彞仲復奏求翁併呈景倩

有容忽傳茗水書綿綿遠道夢魂餘焚香跪讀沉
吟久酌酒歡留會合初學士山中閒鼎飛美人江
上采芙蓉憑君為我傳心事實欲鈔詩効小胥

次韻奉答陳雪灘太史

一月狂風十丈埃故人千里送青來瑤華芳信循
環讀冰雪真詩次第開感興平吟心久折定中起

舞夢初回更思去歲相逢夜斗酒交揮客主贖

世味叅來苦似霜高人耻以智為囊多君天上紅

綾餅贈我林間白首郎萬頃夏雲邀翰墨

太史書品為當

今第一曾聞善書者見夏雲多奇峯輒師之五湖秋水奉肝腸生平夢

想峨眉雪秀色浮空片片綉

贈同年友萬吉人

君是乾坤倚仗身一番挫折愈精神抗言異代憐
同調求友今時得古人緩步高岑詩價定比肩管
樂品流真尋常雞黍深相款對榻蕭然意更親

張爾唯如姬馬令人賢而惠解文字而耐操
作事爾唯二十載聞政甚修今往矣爾唯哭
之慟社中諸子更為爾唯佐悲短詠長歌裝
成巨軸德水老稚不避醜拙亦賦一篇次諸
君子之左

菊老風涼鴈影踈張衡慟哭女相如悲來腹內車
輪轉夢去花間酒嘯餘怕按絃桐藏舊譜勉開篋
篋錄遺書多君聲氣聯朋好天問招魂賦滿車

令人

史弱翁納燕姬喜甚自命題曰傾城悅名士
邀朋輩賦詩于是盧子為之首唱

天然真色號傾城才子因緣似弟兄富貴他人元
易合文章夫婿獨含情碧山青桂時時長赤水玄
珠夜夜明有士相依堪共老小樓寫韻罄平生

再歌

擁書萬卷自為城翰墨場中讓老兄何容秋懷同
作夢有人春問獨關情娉婷不嫁文心靜琴瑟于
歸智眼明日暖風柔堪種玉離離遙碧看煙生

次介清韻送楊太史請告還濟上

天然冰雪淨聰明風雨淒迷迥不驚酒盞深斟留
客醉春光漸老送人行歸裝篋篋群書滿驛路舟
船一水平暫別玉皇香案去南池閒步草菁菁

余以沉舟之役留滯于桑園社友程正夫賦
長句見貽情詞柔厚次韻倚和感慨係之

悔揖青山別舊遊祇今冰雪滯行舟
勞人夢短嗟遷次知己情深戀去
留無計問途空有淚倘能歸
老又何求新詩讀罷蒼茫久不覺
江湖滿地流

有家未敢漫經過
躑躅河干泣或歌
堪笑青鬢凝雪刺
可憐白首沉風波
憂虞筭去將千種
喧寂看來只一科
近苦病魔纏左足
支床聊復飲無何

私問

衰病侵凌乞骸得請賦詩一章名曰私問

關心藥裹問桐君
又問床頭幾甕雲
小草仍餘蘿薜意
抽簪漫遣縉紳聞
自憐多疾浸成病人
嘆微勞詎敢勤剛過
五旬如望八髮鬢
枯盡雪紛紛

正夫見私問小詩次韻見貺捧誦之餘入夜
得句

冰雪相看獨有君一屢如隔萬重雲同聲亦願源
源見真味要須淡淡聞詩好何人堪舉似酒清為
我重殷勤

正夫餉我一甕雪乳

還題數句酬高雅夜靜風微

月色紛

長日空亭對此君雨雲瀟灑雜晴雲人間境靜宜
高卧詩穩音清要細聞

正夫凡三次韻無不妥
帖少陵云賦詩新句穩盡

洗偷心方大歇能存懶意是真勤回思三十年來

錯老病于今罷世紛

歸來題盡扇齋壁

齋成在癸酉歲題壁在辛巳歲于是九年
中間曾一濡足旋即斂裳微尚幸全詩以言
志

目疾優游養不才林園謝客長莓苔紙窗竹屋誰
書帙陶器單衾雜酒盃扇上諸公身既沒贄中數
語面重開斜川高趣尤堪畫試問當年宗與雷

退士詩次仲來韻

野水寬閑泛緒風自憐微尚許誰同世情濃淡渾
如蠟人事盈虛畧似虹殺馬毀車仍折劍焚魚還

芴竟發弓一腔丘壑從今穩老氏耽雌久謝雄
微雨東來挾好風柴桑受用敢遙同願言今日身
成瀾羞說當年氣吐虹藹藹書篇勤發篋翹翹車
乘枉招弓秦人只向花源老劉項從他號兩雄

社中分韻賦得首夏猶清和

花謝泉鳴草正殷裴徊春事未全刪窺園始覺桐
孫碧謀野旋看雉子班剩有好風行地籟可無靈
雨發天慳清和景物彌堪戀自笑麤糲石樣頑

花朝社集

次韻

入林何必社名蓮
諸子中春啓盛筵
千首百篇吟可老
三杯一斗醉能眠
幽花似雪香侵几
新水如油客上船
偶向閑堦觀物候
竹萌迢遞已行鞭

次社集韻呈仲來父子

仲來懷抱淨如蓮
筆落驚風動四筵
水月明摩詰唱江亭
日暖少陵眠
久藏好酒開詩社
特請同人沈畫船
有子多才深且秀
粗豪常笑繞朝鞭

奉寄虞山先生

經國文章截衆流
片言隻字足千秋
羽陵簡蠹煩

收拾汲家書殘要纂修左馬兩公魂自舉韓歐數
子氣相求眼明手快饒心賞莫向青山歎白頭

賤子平原一鄙僮偶從筆墨識先生東樓問字詩
詳說北固携尊酒細傾天上綸扉真險事山中宰
相亦虛名何如高卧觀今古四海朋來善氣迎
次韻送熊雪堂余方抱病闕為面別情見乎

詞

離離雙袂不能分又值秋來鴈幾群南浦水波仍

戀客東湖花竹正思君

陳草東湖乃徐孺子蘇雲
雪堂卜築讀書處

酒盞孤帆月

止餉

一第有河 大垣燕詩集

唐樂

一壹造賦五言占詩

可惜同心難會面只揮

老淚付斜曛

偶聞正夫出月北上詩以述懷仍次前韻

相聚無多又欲分寥寥形影自為群
眼光暗淡誰憐我心境空明獨愛君
朋輩往還思舊雨交親薄厚問新雲
平生知己關懷抱纔欲歌驪日便曛

久病沾危餘光尚在忽憶往時士大夫門戶
葛藤殃及社稷堪為痛哭因知虛意氣假名

節乃是殺人毒藥而人猶狂醒不已可不謂
大哀乎爰次舊韻漫成一章以俟知者夫此
韻九三押矣山窮水盡自然難工要正欲呈
茲醜拙以存真色煩正夫寘之行李入都如
見百史先生當出以就正此外不可輕示人
也

鐵門石戶井疆分邊見安能換小群汗漫吾方從
若士聲稱衆自奉任君一尊旨酒陶嘉月幾樹空
花伴幻雲往事難言仍欲說平明太息至殘曛

夢遊仙

有序

夜寐偶有所見似天際真人空中遊戲非煙
非霧意甚羨之因得句云一簇煙籠淡月低
醒而補湊為聯質明檢韻書遂成七言律詩
一首不忘其初命名曰夢遊仙

曾識仙踪路不迷黑甜隨意躡丹梯千層霞繞晴
雲上一簇煙籠淡月低世外佳人呈窈窕塵中老
子待提携覺來渾似花源返自笑從前作醉泥

夢遊仙設辭也承正夫社兄雅和珠玉在旁

益覺形穢再此出弄醜態畢露矣

仙山樓閣望中迷欲往還須步月梯次韻無如君
手妙臨文不覺我頭低若論談柄差能擅倘到清
尊更會携武庫縱橫紛在眼封函安得一丸泥

正夫出新作共賞余不禁老癢漫次一首非
禪非道非詩如是而已

莊生無毒亦無門博夜漫漫只大昏業障叢生憑
并影虛空粉碎不留痕身疲難近王孫竈心動無
關大士猶潦倒一尊遺百慮頭毛久矣自成髡

再和正夫韻添得稍稍風趣可謂愚不安分
老不歇心

病叟婆娑靜閉門梅枝香影動黃昏流連几案攤
書卷檢點衣裳剝酒痕花氏不妨遊月榭崔家自
有禦風旛淋漓跌宕無拘束千載惟推贅婿髡

九日集正夫齋次其韻

比隣好友興悠哉折簡邀登五尺臺萸佩芳香人
自醉花糕鬆軟客爭開迢迢雲影天邊去僚慄風
聲地底來

是日北風驟寒

誰賦新詩含古調幾番尋味有

餘哀

正夫時方悼內

正夫以除夕詩見眡次韻奉教

明晨四十漫云過六衰顏賴酒醅

余明年六十矣

有影

燈前聊復舞無腔樽底不成歌嗟余舊業時時減

羨爾新詩日日多欲選一枝安穩卧杜陵得計在

東柯

正夫再和前韻余不敢不勉爰成報章

接得新詩百遍過自然心醉發顏酡如吟元亮歸
來句勝咏薛逢老去歌獻歲情懷翻覺少殘年憂

慮不宜多淳于事業槐安國我欲從之一執柯

正夫招賞牡丹

有序

喪亂以來久不知有花事今歲始見牡丹欣
慨交心百端駢集適所賞乃桃紅者與芍藥
相向又有綠牡丹一叢絕勝尚未開故篇中
及之

老懷無奈牡丹何二妙相邀一暫過俯仰幾年都
是哭徘徊茲日始成歌輕緋舒瓣招紅藥淡綠含
苞映碧蘿詔酃花間將丙夜倩人扶着舞僮僮

送張九如還燕

畫省仙郎洛下來，清真瀟灑自天開。
暫煩計部搜精粟，終藉銓曹簡異材。
滿眼煙雲供盪漾，一腔冰雪淨塵埃。
榴花蒲劍添新爽，正好盤桓數舉杯。

先是王敬弋過訪，停杯不御，余自酌十餘觥。
船散，弋曰：今日之會不可無詩，請以看盧德水飲酒為題。德水許之，別一日，而敬弋詩至。
后無何，沈無謀、劉羽吉來尋花，開酒熱之，盟具道敬弋意已而陵縣令君王北幹以簾雪。

堂之書來會酒間漫述教我詩指此幹欣欣
有同聲相應之意社友程正夫斐然次韻余
不辭老鄙亦和一章

新知舊好共襟期蓬鬢荒亭某在斯渴對朋來聊
復喜飽經世變不堪悲縱橫顛倒書千卷磊砢昏
酣酒一卮寄語知音能信否此心安處是閒時

北幹許春日過訪正夫賦詩再次前韻余亦
如之

悠悠君子亦難期明府風流自取斯初見似曾何

處識快談不省若為悲高岑緩步推詩範秘阮高
蹤託酒危豫約來年良讌會還移仙履趁花時

讀陶謝集有述

從來陶謝有遺編今日重開意爽然山澤形神歸

栗里

陶詩云山澤久見招又有形影神詩

天雲懷抱屬臨川

謝詩云高情屬

天雲又云懷抱觀古今

兩人精蘊憑誰繹六代浮華賴此鐫

亘古詩豪惟杜甫猶將老手讓前賢

杜詩云焉得詩如陶謝手

令渠述作
與曰遊

過金顏濱古香齋題贈

才情品韻世無雙
詩以華盛酒貯缸
有客如雲來滿座
其人似玉次空窓
幽香靜發誰能味
古調清吟自得腔
老我醉民殊崛強
相過不覺寸心降

奉贈趙洞門

冰心鐵骨照寰區
救世匡時是丈夫
一疏當年爭造化
片帆此日適江湖
尊壘酬酢徵瀟酒
函丈趣陪得範模
賸有丹誠能悟主
賜環多只在中途

小詩奉投趙洞門賡次原韻用志仰止

七載歸田芋一區
著書焉敢似潛夫
申蟠芒碭樹

為屋元結讓豁杯號湖久向雲山行我法新逢天
水識人模多公下榻收管蒯願拜門牆問道逾

贈太守楊君敬

東方千騎擅齊州循卓新推第一流高義古今難
與董盛名遠邇莫能儔彈琴官舍惟調鶴賣劍民
間盡買牛指日台鉉瞻具羨煌煌卿月映天球

秋日偶成長句

落得蕭閑樗散身雨晴昏旦盡成春翺翔丘壑徐
無鬼窈窕山阿若有人鵲鵲日華籠寶玉寥寥夜

氣識金銀劉伶酒勸陶潛醉知己相逢分外親
解下癡絲任此心今歌古調一長吟煙方散矣雲
方聚山自高兮水自深極喜嗣宗能把盞更欣叔
夜會彈琴終朝勞擾成何事片刻清閑抵萬金

秋日朱計部招飲次正夫韻

老矣狂夫倒著冠過逢酒坐罄交歡主人高韻如
珂雪我友新詩似鏡瀾收扇聯裾辭執熱啣杯擲
塵愛輕寒年來俗務牽心甚檢點方知此會難